

Me ɓonun asaria yen adunia noosiabu

Garin tore

Nde me ba doke ma tombu kpuron beere ka ben asaria nerabu soora tii moru ka gem weebu ka sere si na ta tasa anduniaɔ,

Nde me dunia soɔ tomba n̄ ki bu to nun asaria ka yeru sariru dooru doke sere ba n ye tusa n dera daa kam ya dabia ma ya duniagibu daakari seeya. Yen sɔna ye ɓonu kanamɔ n kpuro kere yera u wa u n tii mo kpa u gere ye u bwisika, u tamaa doke kpa u narurabu ka yaaru biru ko,

Nde me ye ya kere yera tem mi ba wooda swii bu ɓonun asaria noni doke, n wa tirasi yu ku wii deema u ka tii yina yen so ba wii yoru diisiamɔ ka ba wii takaasi mo,

Nde me ye ya kere yera bu noosina ka bu boronu dam ke tem baa,

Nde me tire te soɔ tem tom be ba. Waa ONUN yigberu soɔ ba ɓonun asarian tii, win girima ka win beere, ton duro ka ton kuron nerabu (goo kun goo kere) kpam naane kua. Ma ba yii bu (swaa kpee) ko ne tombun waaru ta koo ka sosi, kpa bu waaru gosia doonɔɔrugiru mi tii mora kon kpa,

Nde me tem ka tem me mu, yigberu duuwa me ka ONU ba mua bu ko me ba koo ko bu ka ɓonun asaria ka win tii morun tii tii girima doke,

Ye ya kere yera suam tem (tia) me ɓonun asaria ka win tii morun swaa soɔ, n wa me ba yii ba ne ba koo ko bu ye ko mam mam.

Menno boko ge, ga yorasia ga ne:

me ɓonun asaria yen andunia noosia bi bu saawa, gaa ni bweseru baatere ka tem baamere mu kasu mu naa, n wa tombu kpuro, som ko yenu ka yigbenu kpuro, ba n ɓonun asaria noosia bi bwisika bu asaria girima dokebu ka tii moru wuu swaa daasia ka keu soosibu ka sere bwisi sosibu. Kpa bu ko me ba koo ko n wa kpure kpure ba aweren temo, bu girima doke bi ka tii moɔ te sua, kpa bu ka som buru ko wuu si su waa yigbe te soon tombun tii ka tem me ba mo min tombu soɔ.

Damba 1

Ba tombu kpuro marawa ba tii mo, ba ne, girima ka saria soɔ. Ba ra bwisiku, ba dasabu mo, ma n weene ba n waasine merobisiru soɔ.

Damba 2

Baawere ko kpi u sariaba ka tii moɔ ni ba kpapa min baruka digoo kun tuko, bwesera, wasin gona, durɔwa, kurɔwa, politikin beragia, n kun me bwisikunu gana.

Yen biru, n n̄ kooro bu tem ka tem wunana politiki ka wooda swaa soɔ. Ka da tem min di tonu yarima, mu tii monu mua, mu n̄ muɛ ro.

Damba 3

Tonu baawere u waarun saria mo ka tii moru, ka sere me ba koo wii yina.

Damba 4

Ba n̄ goo yoru muamo, bu sere wii dendi. Ba yoru diisiabu ka yoru muaba yina.

Damba 5

Ba n̄ goo takaasi mo, ba n̄ ma goo noni swaaru soosino, bu sere goo nuku kosuru, ka sanani ka ma sere ye n n̄ weene bu ton wundeko ni kuaa siimaa ko.

Damba 6

Baawere asaria mo yan kpuro bu wii tuburi u n siribun tonu.

Damba 7

Tombu kpuro ba newa woodan bera (swaa soɔ) n maa weene tii yina bi ba ko ka be yina, bun saa tia bu ku goo suu wuna, n da ma ba saria ye sara, bu ka wa bu be taki di ka bu be noɔ kuuri be kpuro wooda ya ko be gane.

Damba 8

Tonu baawere u saria mo u win tem siru ye feagiru faaba kana ma ba wi toraa sweɛ yi soɔ wooda ya wi noɔ ka.

Damba 9

N n̄ koro bu tonu yorasia, bu wii nua n kun me bu wii tem yara.

Damba 10

Tonu baawere u saria mo, naa nebu wolluyee, u win mem gere bu noɔ dee dee samaan noni, kpa siri yeru te ta n̄ gonnu ka yaa murenamo, tu wunana u n gem mo, ye n win baa ka win tirasi, tora te ba ma wi waasi ta n̄ gem, sirikobu bu asaria ko.

Damba 11

Tonu wi ba toraru waasi, ma ba n̄ gina ten see da noma tura, yen yero kun gina gee mo. Ba n̄ koo wi siria n saria mo u goo kasu wi u koo ka wii yina.

N n̄ weene bu tonu taare we yen so u gaanu kua n kun me yen so u gaanu duari ni nu n̄ waa toraru ka asarian swaa soɔ, saname u ni kua Yen biru, n n̄ weene bu yero taare we ya n̄ kpaaru kere nde ye ba ko raa wii we saa ye u tora.

Damba 12

Tonun waarun gari, win yenu win noosina ka win berusebu ya n̄ goo wa. Mena maa n̄ weene bu tonu beere biasia kam soɔ. N weene asaria yu ka tonu yina ka kookoo si sa sia mi.

Damba 13

Tonu baawere u saria mo u da mi u ki, kpa u win yenu bani win temo.

Tonu baawere u saria mo u tem gam n di see, ka da win tin tem, u koo ma kpi u wure u wuraa mi.

Damba 14

Ba n̄ tonu takaasi mo, u saria mo u waayeru kasu tem gam gia, kpa u tem min baruka di.

Ba n̄ kpe bu asaria ye gbiisia ma ba seeda kua ba wa ma u torawa. N n̄ maa kooro bu asaria ye gbiisia ma win kookoosu kun saa dee dee n de me yigbe baka te ONU ya yii.

Damba 15

Tonu baawaren sariawa u n saa tem gam tonu.

Ba n̄ goo yinarimo u n saa tem gam tonu, bu sere wii yinari u tem sweyna.

Damba 16

Saa tonu saa gaa tura, ba n̄ bweseru garu, tem gam tondu, gusu no saaru garu suu wune, ton kuro ka ton duro ba saria mo bu suana kpa bu bibu ma. Ben saria ya ne wa suanaan swaa soɔ.

Be ba ki bu suana sere bu gina noosina n kun tirasi.

Sa seewa sa tɔnun bweseru deemawa tem mi, bwese tera ta gbiiya n ma weene bu ka tɛ yina.

Damba 17

Baawere, a, wi turowaa a be dabinaa, u kon win baa mɔwa.

Ba ɛ kpe bu tɔnu win gaanu worari ka dam.

Damba 18

Tɔnu baawere u ayeru mɔ: ɛ bwisiku nde mɛ u ki, u n dasabu mɔ, kpa ɛ gusuno sa; aye te ta dera u koo kpi ɛ gusuno saaru garu deri ɛ garu swii, nde mɛ u koo kpi ɛ gusuno saa wi turo, n kun mɛ sannu sannu, samaan wuswaaɔ n kun mɛ win beraɔ nde mɛ u ki.

Damba 19

Tɔnu baawere u saria mɔ ɛ gere mɛ u wa, u kun nande, kpa ɛ gari ka dabaaru yɛ u nua tem pusi mɛ u kpia ka mi u ki.

Damba 20

Tɔnu baawere saria mɔ ɛ menno ka yigberu kɔ ta kun naanaanu ganu mɔ.

2. Ba ɛ goo tirasi mɔ ɛ yigberu garu du.

Damba 21

Tɔnu baawere u saria mɔ ɛ win tem tɔmbun wunanɔsu sɔɔ du ɛ n ki win tii tii, n kun mɛ ɛ sɔmɔbu gabu wuba bɛ u ki bu wi wunana.

Tɔnu baawere koo kpi ɛ samaa sɔmburu (bature sɔmburu) ko, nde mɛ ba yen kpuna yii.

Mɛ samaa ya yii mi sɔɔra tem dam mu tasa. Swaa ye sɔɔ ba ko n da tɛtɛ to, taki sari, sanam ka sanam, tɔmbu kpuron noni biru n kun mɛ bokusaɔ, bu ku goo tirasi ko u ka goo tɛtɛ toowa.

Damba 22

Tɔnu baawere u saria mɔ u nɔm keru wa, mi win baa ya waa kpuro. Ka win tem kookari, ka mi nɔɔsina yɛ ya waa ka tem tukun dam, n wa win waaru tan girima mɔ.

Damba 23

Tɔnu baawere u saria mɔ ɛ sɔm buru ko, ɛ gosi te u ki, ka ten yɛ ta mɔ n koo ka wi naawa keru wa sɔmburu tɔ n ra yɔra gasɔ.

Tɔmbu kpuro, ba kɔsia teeru mɔ bu mua saa ba ka sɔm bwese te eru mɔ

Wi u sɔmburu mɔ kpuro u saria mɔ ɛ kɔriaru mua mɛ n weene, sere tu wi win yenugibu turi mɛ ba kon ka waaru dimɔ dee dee, n koo kooɔa buka be yina.

Tɔnu baawere u saria mɔ wi ka gabu bu sɔm kowobun yigbe te ta ra ka be yine swii, kpa bu kpan yigbe merosu sɔɔ du si su ko nda ka be sune.

Damba 24

Tɔnu baawere u saria mɔ ɛ wɛra, u dwee, ɛ sɔmburu ko u ku saka sarasia, kpa ɛ wɛraru ka kɔsiaru giru mau sanam ka sanam.

Damba 25

Tɔnu baawere u saria mɔ ɛ waaru diisina mɛ u koo ka win bwaa doɔu, win bwe, ka win yenugibugia nɔɔri, nde dianun bera, yanu waayeru, dokotoro tim. Win sɔmburu tɔ n yɔra, ɛ n bara ɛ n yemo kua, ka sere yɛ u mɔ ya n buera n kun ka win goru kiru, u saria mɔ nɔm kerun yigberu tu wii dera.

Yɔɔniru ka biru ta saria mɔ bu te nɔɔri gem gem. Kuro wi na ka kuro kpaaru mɔ win bibu, ka wi na ɛ ka kuro kpaaru mɔ n bibu, be kpuro somi tee tera ba ko be ko.

Damba 26

Tɔnu baawere weene ɛ keu ko. Keu ya weene bu ye ko n kun ka gobi, n ɛ man kere keu dii piibinugia. Kei dii piibinunkeu ya saa tirasi. Keu nɔman sɔm mɛɛribu gia ka gbankoko sɔm mɛɛribugia n weene bu n saa tɔmbu kpurongia, saa ba ka yen saka tura.

Yɛ tɔnu kasu keu sɔɔ yera bwɛɛ dora, n wa tɔnum asaria ka win tiin mɔrun noni dokebu bu dam sosi. Keu ya weene yu somi mɛ nɔɔsina, suuru, ka kiru ta kon ka waa tem kpuro, bwese wuunu kpuro n kun mɛ gusuno saarugibun mi. Kpa yu kpan yigbe baka te ba soka ONU somi ten wɔri sɔɔ mɛ ta koo ka sina sɛɛru swii andunia sɔɔ.

Biin tundo ka biin mero ba ayeru mɔ bu ben bibu keu doke swaa yɛ ba ki sɔɔ.

Damba 27

Tɔnu baawere koo kpi, dwee bi tɔmba mɔ ɛ bi du ma u ki, kpa ɛ bin baruba di. Tɔnu baawere koo kpi ɛ kasoo sɔɔ du kpa ɛ yen arufaani di.

N weene su ka tabu yari, n wa wi u kasoo mɔ (gaanun gosiabun bera, tire yoran beran) ɛ yen arufaani di.

Damba 28

Tɔnu baawere u saria mɔ ɛ ko mɛ u koo ko, tɔmbu sɔɔ ka tem tukumɔ, baayere ya n ka nɔɔ ne saria ka tii mɔɔ tɛn gari ba kpaa mi sɔɔ kpa tɔmbu ka yɛ sɔmburu ko.

Damba 29

Tɔnu, tirasi, sɔmbura, wi yiyiye ɛ samaa kua domi mi sɔɔra u ko win baayere siisia mɛ u ki.

Tɔnu ɛ n asaria ka tii mɔru mɔ a n maa winsingia geriti, a n tii ye n wa goo ɛ ku ka googia menna kpa wuu gu ka sina sɛɛ. Ba ne mi be tɔnun ayera yɔra, mi n dia googiru ta torua.

Saria be ka tii mɔɔ te, ye kpuro, ba ɛ ka yo sɔmburu mɔ bunanam. Nde mɛ yigbe bakate ONU ya yii mesuma ba koo sua.

Damba 30

Yɛ ka yɛ ba yii tɔnun asarian bera mi baasi, kpunaa gaa ka kookoosu gasu maa sari, si ba koo tusia nenɛm, tem gam, bu ka saria ka tii mɔɔ te ba kpaa mi kpeera - sia pai.